

Wie ain armer vischer den künig
Appolonio mit ayte sein armüt.



Je weyl er aber sein not also beklaget so sichte er auch gegen ym geen ain starcken schönen iüngling in zeruffen bösen zwilchin klaydern den selben rüffe er an mit demüctigk ayt seins hertzen. vñ sprach waynent also. O wer du seyest erbarme dich über mich armen durch gots willen. Er sprach zü ym sag an wer bistu. Er antwurt ym vñ sprach. Ich bin nit mer der ich was. mir hat das mö: mein güte. ere vñ den namen genomen. Ich bitt dich fleysfig du wöllest mir ellendem doch nit von nidern geschlechte geborn zü hilff kommen. vñ mich weysen wie ich mein leben fristen müg. Der iüngling erbarmet sich über in vñ füret in auff her von dem mö: in sein armes ellendes heüßlin vñ taylt mit ym gar willigklich sein armüt vñ seget ym für die speys die er haben mocht. Vnd das er seinen güten willen dester bas ge- gen ym erzayget. zoch er ab seinen ellenden rock vñ taylt in in zway tayl vñ gab ym den ainen das er seinen nack- enden leib ains tayls damit bedecten möcht. vñ sprach

also. Iüngling nimm hin gütigklich von mir das ich vermag. heet ich mer ich thet bas vñ gee hin in die stat Pentapolim wie nahent hie bey liget. Vileich wüßtu du vinden der sich über dich erbarmet. wann da ist künig- licher reichtrumb. bey mir magst du nit mer haben wann du gesehen hast. Ob du aber nyemandt vndest der dein armüt bas wölste zü hilff kommen dann ich. so ker wider zü mir so wöllen wir mit einander gemain vischen. doch allweg das hin zü gesetzt. Ob du wider in dein alt würdigk ayt wurdest gesetzt das an meiner armüt vñ gütigk ayt die ich dir gethon hab nit wöllest vergessen. Ant- wurt Appolonius. Ich danck dir nach meinem vermü- gen. vñ ob ich dein vergäß so wölle mir gott aber mö- tes not vñ schiffbruch zü sügen. vñ sey nyemandt der sich über mich erbarmen werde als du gethon hast. da mit zayget er Appolonio den weg vñ schied von ym.

Wie Appolonius in die stat Pentapolim kam vñ in das bad gieng. Darym er dem künig Archistrates so wol dienet das er vast gelobt ward.



b liij

zu Blatt

013

011

017

007

022

002

Ende

Anfang